



Dirección Xeral de Educación, Formación Profesional e Innovación Educativa

Proba de bacharelato. Abril 2014

Exercicio	1º, de materias comúns
Parte	1
Exame de	Lingua galega e Literatura (I e II)

1º apelido / 1º <i>apellido</i>	
2º apelido / 2º <i>apellido</i>	
Nome / <i>Nombre</i>	
Idade / <i>Edad</i>	
Data nacemento / <i>Fecha de nacimiento</i>	
Provincia	
Localidade / <i>Localidad</i>	
Lugar do exame / <i>Lugar del examen</i>	
Data / <i>Fecha</i>	



1. Formato da proba

Formato

- A proba consta de 7 preguntas.
- A cualificación de cada pregunta aparece a carón de cada unha delas.

Duración

- Este exercicio terá unha duración máxima de 1 hora e 30 minutos.

2. Corrección lingüística

Na avaliación terase en conta a corrección lingüística no exame. Descontarase por erros até un máximo de 2 puntos sobre a cualificación global, segundo a seguinte clasificación:

- Solucións que son alleas ao sistema lingüístico do galego, como tempos compostos, mala colocación do pronome persoal átono, etc. Descontarase 0,2 puntos por cada un.
- Solucións ortográficas contrarias á norma lingüística (b/v, h, y, etc.) e acentuación diacrítica. Descontarase 0,1 puntos por cada un.
- Solucións galegas alleas ao estándar vixente e acentuación non diacrítica. Descontarase 0,05 puntos por cada un.



3. Exercicio

Texto

A lingua inglesa perderá a hexemonía

Occidente necesita reorientar o seu despregue militar cara á rexión Asia-Pacífico. A causa é o enorme incremento do gasto militar da China, que en 2025 será ademais a primeira economía mundial. Esta vertixinosa progresión económica e militar non atopou de momento equivalencia na industria cultural, un asunto que a estas alturas está sendo sometido a revisión por parte das autoridades chinesas. Parece evidente que a cultura vai ser promovida, buscando a primacía mundial.

Hua Jian, director do Centro de Investigación sobre a Industria Cultural da Academia de Ciencias Sociais de Shanghai, afirma **que** encaran a “urxente tarefa” de expandir a súa influencia cultural no mundo, para salvagardar, di el, a súa “seguridade cultural”. É interesante observar **como** os eufemismos da guerra (a defensa e a seguridade) **se** trasladan para o campo da cultura.

Desde o ano 2000 as rendas da cultura chinesa crecen un 20% anual, moi por riba do PIB, pero Hu Jian advirte que os países desenvolto incorporan alto contido tecnolóxico e valor agregado, mentres que eles **aínda** non o fan.

A **última** conferencia do Partido Comunista chinés ordena incentivar a autoinnovación con filmes, novelas, internet, televisión, libros e revistas para desembocar nun poder real a escala mundial e poñen como exemplo a progresión da súa televisión de animación, que medrou de dez mil minutos en 2000 para douscentos vinte mil en 2010.

É evidente que a hexemonía lingüística se basea en todo isto e non só na superioridade no número de falantes, que a China xa posúe. Ao inglés quédanlle quince anos de supremacía mundial. Abonda con que os chineses pasen ao mercado o que xa teñen exposto sobre o atril.

Xosé Manuel Sarille, *El Correo Gallego* (21/02/2012).

1. Explique o significado que teñen no texto as seguintes palabras: *vertixinosa*, *eufemismos*, *incentivar*, *hexemonía* e *atril*. Evite empregar unicamente sinónimos (valoración: 1 punto).
2. Sinale a estrutura do texto e indique os núcleos de contido de cada parte (valoración: 1 punto).
3. Redacte un texto onde expoña a súa conformidade ou desconformidade coa seguinte afirmación do autor: *Ao inglés quédanlle quince anos de supremacía mundial*. Extensión aproximada: 200-250 palabras (valoración: 3 puntos).
4. Identifique a clase de palabra a que corresponden os termos resaltados en trazo grosso no texto e a función sintáctica que desempeñan nel (valoración: 1 punto).
5. Segmente morfoloxicamente as seguintes palabras e identifique o valor de cada un dos morfemas que as integran: *equivalencia*, *salvagardar*, *ordena*, *autoinnovación* e *medrou* (valoración: 1 punto).
6. Desenvolva un dos seguintes temas nunha extensión aproximada de 200 palabras (valoración: 1 punto).

- A** A lingua galega na Idade Media: características lingüísticas fundamentais. Contexto histórico e situación sociolingüística.
- B** Historia da normativización: a construción da variedade estándar. Interferencias e desviacións da norma.

7. Desenvolva un dos seguintes temas nunha extensión aproximada de 300 palabras (valoración: 2 puntos).

- A** A literatura do Rexurdimento.
- B** A Nova Narrativa Galega. Características, autores e obras representativas.